



INSURANS JAMINAN KESETIAAN

Lembaran Pendedahan Produk

Nota Penting

1. Sila baca Lembaran Pendedahan Produk ini sebelum anda memohon untuk Polisi Insurans Jaminan Kesetiaan ini. Sila pastikan anda turut membaca terma dan syarat am polisi ini.
2. Anda harus memuaskan diri bahawa polisi ini akan memenuhi kehendak anda yang terbaik. Anda harus membaca dan memahami polisi insurans ini dan berbincang dengan pengantara insurans atau menghubungi terus kepada kami untuk keterangan lanjut.
3. Menurut Perenggan 4(1) Jadual 9 Akta Perkhidmatan Kewangan 2013, sekiranya anda memohon untuk Insurans ini semata-mata untuk tujuan yang berkaitan dengan perdagangan, perniagaan atau profesion anda, anda bertanggungjawab mendedahkan apa-apa perkara yang anda tahu sebagai berkaitan kepada keputusan kami sama ada untuk menerima atau tidak risiko dan kadar dan terma yang hendak dipakai, serta apa-apa perkara seorang yang munasabah dalam hal keadaan itu boleh dijangkakan tahu sebagai berkaitan, kegagalan berbuat demikian boleh menyebabkan kami mengelak kontrak insurans, menolak atau mengurangkan tuntutan anda, menukar terma atau menamatkan kontrak insurans anda.

Kewajipan pendedahan di atas akan diteruskan sehingga kontrak insurans Anda dimasuki, diubah atau diperbaharui dengan kami.

Anda juga mempunyai kewajipan untuk memberitahu Kami dengan serta-merta sekiranya sebarang maklumat yang Anda berikan di dalam Borang Cadangan (atau semasa Anda memohon untuk insurans ini) adalah tidak tepat atau telah berubah pada bila-bila masa selepas kontrak insurans anda telah berkuat kuasa, diubah atau diperbaharui dengan kami.

1. Apakah produk ini?

Polisi ini menyediakan perlindungan bagi kerugian yang disebabkan oleh ketidakjujuran orang-orang yang memegang jawatan atau diamanahkan dalam organisasi anda.

2. Apakah perlindungan / manfaat yang disediakan?

Polisi ini melindungi kerugian berupa wang secara langsung akibat daripada setiap tindakan penipuan atau ketidakjujuran yang dilakukan oleh salah seorang pekerja yang diinsuranskan anda berhubung dengan kerja dan tugasnya: -

- semasa tempoh Insurans
- semasa pekerjaannya dilanjutkan tanpa gangguan
- diketahui semasa Tempoh Insurans atau dalam masa 6 bulan selepas itu atau dalam masa 6 bulan selepas kematiannya, pemecatan atau persaraan yang mana akan berlaku terlebih dahulu

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Generali Insurance Malaysia Berhad atau PIDM (layari www.pidm.gov.my).

3. Berapakah premium yang saya perlu bayar?

Premium yang perlu anda bayar adalah bergantung kepada jenis perniagaan anda, jumlah jaminan, bilangan dan kategori pekerja diinsuranskan, dan keperluan penajajaminan kami.

Dengan pembayaran premium tambahan, polisi ini boleh dilanjutkan bagi perlindungan yang berikut: -

- a) Kos Juruaudit dan Akauntan yang dikeluarkan untuk menyediakan laporan terperinci kerugian dan bukti yang memuaskan tentang kehilangan wang yang anda hadapi.
- b) Tempoh penemuan yang panjang lebih dari tempoh penemuan polisi biasa dari 6 bulan
- c) Penyambungan kerja yang tidak dapat dikenal pasti
- d) Penyalahgunaan stok oleh pekerja

4. Apakah kadar dan caj yang saya perlu bayar?

Sebagai tambahan kepada premium, anda perlu membayar:

- | | |
|-----------------------|---------------------|
| a. Cukai Perkhidmatan | 8% daripada premium |
| b. Duti Setem | RM10 |

Premium yang anda perlu bayar termasuk komisen yang dibayar kepada pengantara insurans, jika ada, berjumlah 25% daripada premium.

Kebolegunaan duti setem dan cukai perkhidmatan yang digunakan, atau sebarang cukai lain adalah tertakluk kepada undang-undang Malaysia yang berkuat kuasa.

5. Apakah terma dan syarat utama yang saya harus ketahui?

- **Kewajipan pendedahan:** anda mesti mendedahkan semua fakta-fakta yang mana anda ketahui atau harus ketahui yang akan mempengaruhi pertimbangan penajajaminan pada borang anda, jika tidak, polisi anda akan dianggap tidak sah dan dimansuhkan.
- **Jumlah Jaminan:** Anda mesti memastikan bahawa Jumlah Jaminan diinsuranskan pada jumlah yang tepat. Jumlah Jaminan adalah tertakluk kepada sebarang tuntutan dan dalam agregat semasa tempoh Insurans. Sekiranya polisi dilanjutkan tempoh lebih dari satu tempoh insurans, tanggungan kami atas setiap satu tuntutan tidak akan terkumpul atau meningkat selepas itu dan agregat tanggungan terkumpul kami semasa sebarang tempoh insurans dan untuk sebarang tuntutan yang membentuk asas kepada sebarang tuntutan samada dibawah polisi ini atau sebarang polisi yang sama yang digantikan atau penggantian oleh polisi ini tidak melebihi jumlah jaminan dibawah polisi semasa.
- **Dasar insurans: Anda boleh memilih untuk menginsuranskan dasar seperti berikut: -**
 - a) **Dasar Yang Dinamakan** – Anda perlu memberikan nama dan pekerjaan bagi pekerja yang diinsuranskan
 - b) **Dasar Tidak Dinamakan** – Anda perlu memberikan jumlah dan kategori pekerja yang diinsuranskan.
- **Sumbangan:** Jika semasa sebarang kerugian, terdapat polisi lain yang melindungi kerugian yang sama, kami tidak bertanggung jawab lebih dari kaday yang setempal dengan sebarang jumlah berbayar berkenaan dengan kerugian itu.
- **Lebihan:** Ini adalah jumlah yang harus anda tanggung sebelum kami membuat bayaran pampasan balik kepada anda.
- **Premium Warranti:** Premium mesti dibayar dan diterima oleh syarikat insurans dalam masa 60 hari dari hari perlindungan bermula, jika tidak perlindungan ini adalah dibatalkan secara automatik dan anda masih bertanggungjawab bagi membayar bahagian premium pada tempoh hari-hari yang kami masih menanggung risiko.

***Nota:** Senarai ini bukannya senarai yang lengkap. Sila rujuk kontrak polisi untuk senarai penuh bagi terma dan syarat di bawah polisi ini.*

6. Apakah pengecualian utama di bawah polisi ini?

Polisi ini tidak melindungi:

- sebarang tindakan penipuan atau ketidakjujuran bukan dilakukan oleh pekerja yang diinsuranskan semasa tempoh insurans atau tidak diketahui semasa tempoh insurans /tempoh penemuan atau tidak diketahui dalam masa 6 bulan selepas kematian, pemberhentian atau persaraan pekerja tersebut
- Lebih daripada satu tuntutan keatas polisi yang berkaitan sengan setiap pekerja
- sebarang tindakan keganasan

***Nota:** Senarai ini tidak lengkap. Sila rujuk kepada polisi untuk senarai penuh berkenaan pengecualian di bawah polisi ini*

7. Bolehkah saya batalkan polisi ini?

Anda boleh membatalkan polisi ini bila-bila masa dengan memberi notis bertulis kepada kami. Di atas pembatalan, sebarang pemulangan premium akan tertakluk kepada syarat-syarat yang termaktub dalam polisi.

8. Apakah yang harus saya lakukan jika terdapat perubahan pada butiran perihal saya?

Adalah penting bagi anda untuk memaklumkan pada kami tentang sebarang perubahan butiran perihal anda bagi memastikan segala surat-menyurat dapat disampaikan kepada anda tepat pada masanya.

9. Apakah yang harus saya lakukan jika berlaku kerugian?

Anda mesti :-

- a) laporkan kejadian itu kepada polis dengan segera dan memberi kerjasama penuh bagi mencari dan menghukum orang yang bersalah.
- b) memberitahu kami secara bertulis dengan menyertakan butiran penuh secepat mungkin. Pemberitahuan awal adalah perlu bagi mengelakkan sebarang prejudis atas tuntutan anda

10. Apakah yang harus saya lakukan apabila membuat tuntutan?

Anda mesti menyerahkan tuntutan anda dengan melampirkan kesemua keterangan sokongan dan dokumen pada kami dan memberi kerjasama kepada Penyelaras/Penyiasat yang dilantik oleh kami bagi menilai tuntutan anda.

11. Di manakah boleh saya dapatkan maklumat lanjut?

Sekiranya anda mempunyai sebarang pertanyaan mengenai insurans ini atau mana-mana jenis produk insurans, sila hubungi kami atau pengantara insurans anda atau layari laman web kami di www.general.com.my.

General Insurance Malaysia Berhad

No. Pendaftaran: 197501002042 (23820-W)

Pusat Khidmat Pelanggan Generali

Level 1, Menara Generali,

27 Jalan Sultan Ismail, 50250 Kuala Lumpur, Malaysia.

Tel: 1 300 13 2121 atau +603 3007 2121

E-mel: customer.service.gi@general.com.my

www.general.com.my

Maklumat yang disediakan dalam Helaian Pendedahan Produk ini adalah ringkasan untuk rujukan yang cepat dan mudah. Terma dan syarat tepat yang terpakai dinyatakan dalam kontrak polisi.

General Insurance Malaysia Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Maklumat yang diberikan dalam pendedahan ini adalah sah pada 24 Februari 2025.